



www.BibleForChildren.org



Jon 14




Te bidi Jisasgo aga bidi dabebolo te po me wai,
“Dagego homu kolesaga midigi sigio. Dagego duga
homu God dali daɣ wabo dao. Dagego ena dali me
duga homu daɣ wao. Eno Ayago be tomode daɣ
habu togwali te bidibo madigi hauwa elalubo.”




“Te tiwai elalugi menigi sogo da, te eno dagebolo te po wagi menio. Eno dage bidabo bulu dodoligi pobao. Tama eno dage bidabo bulu dodoligi peyu da, tama ena ma aselama, dage selama, ena dali bidigi paibao,” Jisasgo aga bidi dabebolo te po wai. “Ena bidibo bulude, dage me ena dali te bulude hodobo bidaibao,”

Jisasgo
te po
wai.



Ena Jon, ena duga ama dao. Ena dage dali
hodobo te Jisasde wadolama, tama da deli hani
elalubaso, tama gasa bage augwaligo


dabolo dene dali, sege dali
mayu elama, tama da



tigidali hodobo bomo
elama dolaluyu, sege
bugagia tolobo dao.



Tama ena Godigo we bidi tonalubo sę
tomode dage dali hodobo bidibao.



Tama eno te we bidi dabebolo Godigo po dali,
te Jisasgo hania hanilali mu po dali, te po si
augwalibolo pusubaso augwaligo ena sela


sɔnama, ena te tamu aɪ
tomode elalubo dwasianu




tɔ nogi Patmos
teba kalabus mugi
pali dao.




Tama polo mu, te Godigo Mobo Bidigo ena tigiba
dagana sagaselama, tama dagalude eno te tuni
bidi duabo nai sia sai elalubo suai, tama bidi
me deli te duabo nai sia saide dulaluai.



Tama tiyu, te Godigo nigali nai tigidaligo wabo po
eno odali, te dagalude bidibo naigo me, te tqde
bidibo naigo me, tama te tq aiyadu
dologode bidibo nai me, te tamu
ajde bidibo, te nai dabe tigidaligo
te po wabo odai.




Awe, te tigidali bulude bidibo Godigo nigali naigo po eno
odali, augwaligo e po wai, “God aga te wiegi yai duabo
naide tuni bidi dulalubao, tama te
kibu sipsip wai me, augwali sigo
nogi dago ugwaba sao, augwali
sibolo genuai nogi mu mao, te ula
yai bomo me mao, te genuai bomo
me dago mao,
tama sesemane
sogo bidada
pabo te usu
mu yaibao.”




Tama eno te wiegi yai magi dwai sę isiawai hanu suali,
te gesi hanu nogi Jerusalem dao. Eno te hanu te God
dali bidibo suali, tama te hanu te dagalu tagalama,
tama e tqba dulali. Te gesi hanugo au dobage wiegi yai
elaluali,


te we aga
bidi dali
painogo aga
wiegi yai au
dobage sisi
elama aga bidi
dali painogo ebo
tiwai ebo suali.




Tama eno odali, po me deli te tuni bidi dulalubo digi
pedauwalidu pedalama, tama i bomonama e tama wai,
“Odao! Megi te God agai bidibo digi te bidi dabe
augwali dali elalubao. Tama aga augwali tomode
bidiyu, tama
augwali agai
we bidi
God bideibao.
Awe, aga digi
te augwali dali
bideibao.”



Tama te ensel mobo bidigo pabo aꞓ me deli ena ola mawai, te bidibo ula mabo wẹ, tama te wẹ te dula ula mu gegemani ebo tiwai ula yai. Tama te aꞓ aga gomo, te God dali te Sipsip Wai augwali sigo tuni bidi duabo sai pagede te aꞓ gomo elalubao.




Tama te hanude te giliga dali polua si te sē esiāyu
te ula ilibeo. Menio. Te God aga digi te genuai
ulago te ula mabo dao. Tama te Kibu Sipsip
Wai te aga te hanugo ula mabo lam sole dao.



Tiali goli, te dwai meda yai kolesaga ebo
bidi te hanu tomoba pogobeo.

Te haniani dwai kolesaga eyu,
te tibo po weyu ebo bidi
dabe, te hanu tomoba me
pogobeo. Mu menio. Te
Kibu Sipsip Wai agai
te we bidi dabe meba
augwali nogi te isisama
gamonaibao wali we
bidi nogi aseani buku,
te bukude augwali nogi
aseani we bidi dabe
augwali naga augwa te hanu
tomoba pabo usu yaibao.



“Tama agai augwaligo gedude
elalubo gedu aꞓ omainogo deli
deli hola saꞓaibao. Tama te we
bidi dabe augwali ma isigobeo,
tama augwali homu seꞓe ma
isiaꞓa, tama augwali gela
weyu dene eyu ma egobeo.
Tama te polobadu elaluali
kolesaga tigidali pela
silai dao,” te po wai.



Tama tigidali nai Godigo agabolo po hwa pabo po
obaso, te nai te hanude ma elalugobeo. Te God dali
te Sipsip Wai augwali sigo tuni bidi duabo sai te
hanu tomode elalueibao, tama Godigo sę
bidi augwaligo aga
dali lotu po waibao.
Tama augwaligo aga
gesabidi sueibao,
tama agai nogi
augwali gebode
asęnama
elalueibao.




Tama eno ma suali, te isai we bidi dabe augwali
bidaluali, te augwali nogi yai bidi dali, te nogi meni
yai bidi dabe dali, augwali te tuni bidi dulalubo
nai te gesabidide dodolalubo, te eno suali.

Tama te saide dulalubo bidi agai te buku
meba dagawai. Tama agai gasa buku me
deli dagawali, te augwali isiama
gamonaibao wali we
bidi nogi aseani buku
dao. Tama agai te
tigidali isai we
bidi dagalai.




Agai te augwaligo yali kolesagade po te buku dabede
aseani po nedama, tama te aseani pode agai augwali
dagalali. Tama e po tu odobo bidi agai te gamonaibao
wali we bidi nogi aseani buku nedeyu, tama niwai bidi
agai nogi te bukude me elalusiabaso
da, teda agai te bidi te moni
genuai sia dabo dedageba
aiyaba te siade dene
somainogo sawai.



Te Godigo Mobo Bidi dali, te Kibu Sipsip Waigo we dali
sigo te po obao, “Nage asao.” Tama e po odali we bidi
tigidali augwaligo me te po wao, “Nage asao.”



Tama te wẹ nogone ebo bidi, aga asomainao. Wẹ
tuainogo ebo bidi, aga aselama, te bidabo ula mabo wẹ
tuagasao, te Godigo agabolo olo mu mawaibao.



God aga Ogwa deli digi mu bidibao.
Tialima Godigo e tɔde bidibo we bidi
godolo mu eyu, tama augwali tau
somainogo eyu, God agai Ogwa
te e tɔba tagala palali.



Tama tiali da, tɔde we bidi augwa
homu agaba mubaso da, augwali
hagaidali weyu, augwali dwagi
yai bidabo bomo selama, bidada
peyu, bidada pomainogo,
Godigo te sɛ yai.



Rom 3:23 Magi baso meni. Da tigidali bidi dago dwai
sę yai dao, tama da tigidali te Godigo wiegi yai usu
niba kadu wabo usu menio.

Rom 6:23 Magi baso meni. Te dwai sęgo te aga sę ebo
bidi augwalibolo te pe mabo dao. Te mabo pe te isibo sę
naga dao, augwali te God dali dagalama tama aga dali
bidada peyu bidada pogobeo. Tiali goli te da te ula sabo
dolo meni yai goli, Godigo dabolo te wiegi yai olo mabo
kolesaga eyu, te sesemane sogo bidibo ula mawaibao, te
da te dago Genuai Bidi Krais Jisas dali wadolali we bidi
dabolo agai te ula olo naga mawaibao.

Hibru 9:27 Tama te tigidali we bidi dabe augwali deli deli
te deli sogo naga isaibao, te isabo sogo sa muani, tama
nosali te augwali Godigo augwali po
tų ebo madiba pedalaibao.



Efesus 2:8,9 Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krais hagede te konealubo po duga homu daꝓ olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao.

Rom 10:9,10 Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gu pagede ma hodolali seꝓe konealubo po daꝓ weyu da, teda Godigo nage ma dobola saibao.



Magi baso meni, te dago homugo te konealubo po daꝥ obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao.

Jon 3:16,17 God aga Ogwa deli digi mu bidibao. Tialima Godigo e tꝓde bidibo we bidi godolo mu eyu, tama augwali tau somainogo eyu, God agai Ogwa te e tꝓba tagala palali. Tama tiali da, tꝓde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te seꝥ yai. Godigo aga Ogwa e tꝓba tagala palali te e tꝓde we bidi po tꝓ dodolomainogo me tagala palobeo. Te menio. God aga Ogwa tagala palali da, te da tꝓde we bidi ma dobola sagasomainogo yai.



1 Jon 5:11-13 Tama Godigo aga Ogwade wali po e dao:
God agai da sesemane sogo bidada peyu, bidada pabo
bidibo ula mawai dao, tama te bidabo ula page aga
Ogwa Jisasde elalubo dao. Bidigo Godigo Ogwa dali kẹa
pali bidi, aga dali te bidibo ula elalubo dao. Tama bidigo
Godigo Ogwa dali kẹa pisawani bidi, aga dali te bidibo
ula elalubeo. Te dagego Godigo Ogwago nogide
konealubo po daɣ weyu agaba tiɣlubo we bidi, te dagego
te dwagi yai bidada peyu bidada pabo ula elalubo
konemainogo eyu, eno e po dagebolo asena tolobao.



Jon 14; 2 Korin 5;
Kraisgo Geme Dualali Sę Pedelabo Po Jonbolo
Ola Mani 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Dadibi Bible (mps) © 2002, Wycliffe Bible Translators, Inc.
All rights reserved.

<https://live.bible.is/bible/MPSTBL/GEN/1>

©2026 Bible for Children, Inc.

www.M1914.org

www.bibleforchildren.org

